

外城西北

卷十一

門便西

門武宣

門陽

廟帝

堂高

沿河西

街斜

市馬

沿河西

街五

沿河西

後觀音堂

四

廟官靈

頭廟

香

鐵廠

余家

井眼

華

府

廊

珠寶市

槐市

二廟

橋

街

廠密

東北園

火

條

條

條

條

條

條

條

條

條

條

條

條

條

條

條

條

營藍旗

營

場教軍

街

廠

廠

廠

廠

廠

廠

廠

廠

廠

善果寺

根

牆

老

場

場

場

場

場

場

場

場

場

場

場

場

場

場

北線閣

教

上地廟斜街

增壽寺

確

灰道

蘇店

寺給副城

車

街市

西門外

中街

橋坊

老君地
右虎

乾麵
糖房
牛街

教子
史家
爛麵
半截

繩匠
大市
菓子巷
大市

粉坊街
子堂
崇興寺
蟻燭信

板章
牛車
高臺街
養羊

校殿鷄大小開趙厨
尉若兒燕燕王追子
營寺
荐荐廟子營

任家頭橋

黑紙坊

千佛寺

白紙坊

崇效寺

古林院

火藥局

南燕閣

肉款
開柵

法源寺
法源寺

聖安寺

廣林街

白馬坑
盆兒

護國廟

金頂廟

桃花坑

龍泉寺

太清觀

橫街
珠巢街
官菜園

隆興街

黑英溝
四平園
南堂子

黑窑廠

聖

陶然亭

東岳廟
城隍廟

仁壽寺

高臺街

靈佑宮

先農壇

黑龍潭

佑聖巷


外城西南

卷十

新房口

西馬道

東馬道



宸垣識畧卷十

仁和吳長元太初氏輯

外城西

西月墻在西洞子門外至正陽橋形與東月墻同其傍

城夾道曰帽兒棚

大街西邊市房後有裡街曰珠寶市曰糧食店南至豬

市口又西半里許有裸街曰煤市橋曰煤市街南至

西豬市口其橫胡同曰西河沿曰大柵闌曰大齊家

胡同曰小齊家胡同曰王皮胡同曰蔡家胡同曰施

宸垣識畧

卷十

一

家胡同曰掌扇胡同曰雲居寺胡同曰濕井胡同曰

乾井胡同在煤市橋者東曰廊房頭條胡同二條胡

同三條胡同西曰火扇胡同曰苕帚胡同曰炭兒胡

同曰楊梅竹斜街在煤市街者西曰李紗帽胡同曰

栢興胡同曰小馬神廟曰大馬神廟其東卽齊家諸

胡同大柵闌西南斜出虎房橋大街內觀音寺前分
櫻桃李鐵鍋二

街復并于
五道廟此皆市廛旅店商販優伶叢集之所較東

城則繁華矣

萬壽關帝廟在西河沿係舊刹 本朝爲中北二城分

界處

地藏菴在西河沿排子胡同有康熙二十年鼎一
七聖祠俗名蝎子廟在火扇胡同

大弘廟在三眼井係舊址康熙三十六年僧明泐重建
有大學士張玉書碑

延壽寺在西河沿五斗齋西南地名延壽寺街寺在遼
金稱巨剎遼主嘗臨其地金人以棲道君及汴京所
獲車輦悉置于寺意今琉璃廠皆昔之寺基明正統
間太原僧湛然重建開渠得斷碑有延壽字可辨因

宸垣識畧

卷十

二

仍其名

松漠紀聞燕京蘭若相望大者三十有六然皆律院
自南僧至始立四禪院曰大覺招提竹林瑞像延壽
院主有質坊二十八所僧職有正副判錄或呼司空
宋童貫蔡攸率師入燕號撫定勒碑于延壽寺紀功
正乙祠在西河沿康熙五十一年建有檢討諸起新碑
關帝廟在西河沿響閘橋俗名粗旗杆廟明舊剎 本
朝重修

湯右曾宣武門東城下曉行詩老去應官有底忙

未明先起攬衣裳人從鴉鵲聲中出路入輪蹄影
裡長牓下已添新水勢城陰初散曉烟光隔河樓
上花枝好尚護重衾半篆香

皈子廟在櫻桃斜街

觀音寺在大柵闌西名觀音寺街前殿有明成化丙午
年鐘一

擡頭菴在觀音寺街後胡同內今比邱尼居之庭前古
槐一株大數圍腹空而枝葉茂蔚數百年物也

火神廟在李紗帽胡同康熙年建明留守衛地

宸垣識畧

卷十

三

大學上朱文安軾邸在煤市街有

世宗御書朝堂良佐額

雲居寺在煤市街東雲居寺胡同係舊刹無碑碣

馬神廟在煤市街大馬神廟胡同有明萬歷間鼎一

玉極菴在王廣福斜街有明天啟三年鼎一 本朝康

熙間有御史張世圻重修碑

中城副指揮署在西猪市大街

萬善給孤寺在西猪市大街傳創自唐貞觀間 本朝

重修有順治十六年給事中史彪古康熙三年御史

方吉午二碑

施閏章給孤寺同季天紳作古寺陰陰五月涼郊
壇松色上衣裳雲依初地從侵檻雨過高城各盡
觴消渴茂陵甘寂寞棲遲金馬散清狂飄蓬聚散
同爲客何處人間是醉鄉

大學士李文貞

光地

邸在西猪市大街有

聖祖御書夾輔高風額

準提菴在石頭胡同

萬佛寺在胭脂胡同

宸垣識畧

卷十

四

芥子園在韓家潭康熙初年錢唐李笠翁漁寓居今爲
廣東會館

長元按笠翁芥子園在江寧省城有所刊畫譜三
集行世京寓亦仍是名

五道廟在虎坊橋東北

考按五道廟旁有玉帝殿明兵部尚書新城王象
乾撰記立石以斯地爲正陽宣武二門龍脉交通
之地因括其意名其碑曰交龍碑

梁家園在十間房南明時都人梁氏建亭榭花木極一

時之盛地窪下有水可以泛舟後圯廢乾隆間卽其地建壽佛寺

王士禎過梁家園憶昔遊詩此地足烟水當年幾
遡游故人皆宿草衰柳又驚秋門冷鼯鼯竄霜寒

雁鶩愁永懷川上歎逝者竟悠悠

昔與宋荔裳諸君泛舟于此

壽佛寺卽梁家園乾隆四十四年僧蓮性募建

考按春明夢餘錄云梁園在京城之西南廢城邊
引涼水河入其中今涼水河流經南苑由張家灣
入白河在外城之外所稱引水故道不復存矣其

宸垣識畧

卷十

五

曰廢城蓋遼城也

長元按梁園近章家橋水道見宣武城河按語中
吳梅村寓居在虎房橋北魏染胡同

長元按康熙間湯少宰寓此集聯云旁人錯比楊
雄宅異代應教庾信居手書懸于柱

孫少宰承澤故居在章家橋西名孫公園

朱彝尊集孫侍郎研山齋詩勝序愁初豁高齋近
許過圖書留客少花藥閉門多興每耽邱壑衣從
挂薜蘿千秋論述作出處本同科

興勝寺在十間房有明天啟二年銅鐘一本朝康熙辛巳長洲汪士竑書禪逕清閒額懸之門楣

鐵老鸛廟在十間房僅屋一間祀關帝庭前古槐一有明嘉靖甲寅劉鐸碑又萬歷庚子鑪殿鴟吻上設鐵雀二隨風旋轉以驅鳥巢故名

琉璃廠在西河沿南楊梅竹斜街之西內有琉璃窑本朝設滿漢監督董其事燒造五色琉璃瓦廠地南北狹而東西長約二里許

燈市向在東安門今散置正陽門外及花兒市琉璃

宸垣識畧

卷十

六

廠猪布菜市諸處而琉璃廠爲尤盛廠前陳設雜伎鑼鼓聒耳遊人雜遝市肆玩好書畫時果耍具無不畢集自正月初四五至十六七而罷名曰光廠

勅建火神廟在琉璃廠東乾隆十年步軍統領衙門委官重修有兵部尚書忠勇公福隆安碑

仁威觀在琉璃廠明正統年建

王阮亭寓居在琉璃廠火神廟西夾道有藤花爲阮亭手植尚存

遼御史大夫李內貞墓在琉璃廠東

考按乾隆三十九年窰廠取土掘得李內貞誌石以古墓復封識存其舊誌云遼故銀青榮祿大夫檢校司空行太子左衛率府率御史上柱國隴西李公諱內貞字吉美瀉汭人保寧十年六月一日薨于盧龍私第享年八十其年八月八日葬于京東燕下鄉海王村

大隱菴在鐵廠北口西河沿明嘉靖間建蓋餘姚鄉祠也有 本朝康熙六十年重修碑

延壽菴在琉璃廠西明萬歷間重修皆內官鳩葺

宸垣識畧

卷十

七

永興寺在南柳巷寺門東向南行約五十步折而東有興仁寺南向其建置年月無攷

考按今南柳巷有永興庵門東向當卽寺之遺址興仁寺已廢

長元按今十間房有興勝寺擬爲興仁之訛

北營內北西守備署在宣武門外鐵廠

海波寺在清廠迤北其地名海波寺街今廢

朱竹垞寓居在海波寺街有古藤書屋

朱彝尊自禁垣移居宣武門外詩詔許携家具書

難定客蹤誰憐春夢斷猶聽隔城鐘

北極菴在清厰祀玄帝有明萬歷間朱之蕃碑

龍王廟在清厰無碑碣可考門外有巨潭蓋古刹也

永光寺在清厰西卽元大萬壽寺也曹洞下青州辨公

居之有大萬壽寺開山傳法歷代宗師實蹟碑記文

字磨泐又明正統十一年本山住持本恩立石昭化

寺住持妙清碧潭篆額碑稱辦公居此湛然屏山二

居士爲其上首外護湛然卽耶律文正王楚材屏山

金李翰林純甫也寺有許道寧畫屏

宸垣識畧

卷十

八

元納新萬壽寺懷古詩皇唐開寶構歷劫抵金時

絕妙青松障清涼白玉池長廊秋屨響高閣夜鐘

遲獨有乘閒客扶藜讀舊碑

原按寺東清厰有巨潭易之詩所云清涼白玉池

疑卽此

聞喜菴在趕驢市係聞喜人旅寓有康熙間重修碑

北城吏目署在椿樹三條胡同

四川營在虎房橋路西迤北爲四川石砮女帥秦良玉

屯兵之所因名

明莊烈帝召賜女帥秦良玉詩蜀錦征袍手製成
桃花馬上請長纓世間不少奇男子誰肯沙場萬
里行

中營東南一守備署在四川營內棉花一條胡同

圓通菴在棉花五條胡同今比邱尼居之乾隆間重修
有刑部尚書汪由敦碑

天仙菴在棉花九條胡同比邱尼居之

正覺菴在西草廠胡同比邱尼居之

施愚山寓居在鐵門今宣城會館

宸垣識畧

卷十

九

王士禎過宣城館詩暮天黃葉落一過西州門無
復高人蹟空聞宿鳥喧新阡思挂劍舊館憶開尊
南望澄江水誰招屈宋魂

北城正指揮署在菜市北鐵門

○仙露寺析津志云近菜市居民掘得石函乃遼世宗
天祿三年所瘞中藏舍利無有匣如石槲而短小旁
刻僧志愿記始知此地卽仙露寺遺址地名十人邑
比邱尼皆曰邑頭陀記後有千人邑三字具列大遼
皇帝皇后東明王夫人永寧大王燕國大王名

○元趙栗夫舊居在菜市街西今無考

元陳一夔贈趙栗夫詩菜市街西新卜居豆棚花

蔓共蕭疎胸中富有書千卷誰笑家無擔石儲

南營遊擊署駐菜市口西

廣慧寺在宣武門外司家坑明嘉靖中太監劉成朱仲

重修有余一鵬碑

玉虛觀在罐兒胡同有明胡濙李錦二碑其舊志金元

碑無考

金有玉虛觀元有玉虛宮今之玉虛觀未審卽其遺

宸垣識畧

卷十

十

址否元一統志元玉虛觀在舊城仙露坊南有金戶

部主事雲騎尉龐鑄二碑元叅知政事楊果碑

接待寺在炸子橋有明正德二年刑部尚書閔珪碑

松筠禪林在炸子橋明楊椒山先生故寓卽以祀焉

本朝乾隆四十九年重修

尤侗謁楊椒山祠詩諫草留遺石年年化碧痕悲

風吹古木大鳥叫祠門青史平生事丹楹故國恩

永陵北望在流涕向黃昏

朝慶禪林在椒山祠對門

三忠祠在上斜街明天啟四年敕建以祀沁水張忠烈
公銓襄陵高忠節公邦佐大同何忠愍公廷樾三公
皆山西人故額曰山右三忠祠三忠皆死于遼東王
事左附祀明二十人右附祀 本朝六十四人
順城門西河年例初伏洗象導以紅棍鳴鼓下鳴鑼起
有官以隸其事兩岸觀者如堵

王士禎洗象行水關蒼蒼柳陰碧寶馬流蘇分絡
繹日中傳呼洗象來玉河波射珊瑚赤須臾鉦鼓
干雲霄萬夫聲寂如秋宵虎毛蠻奴踞象頂邱山

宸垣識畧

卷十

十一

不動何岩巖岸邊突兀二十四直下波濤若崩墜
縱橫欲蹴鼉鼉宅騰達還成鵝鸛隊乍如昆明習
鬥戰萬乘旌旗眼中見又如列陣昆陽城雷雨行
天神鬼驚奴子胡旋氣適壯忽沒中流躍巨浪撤
波一躍萬人呼幡然却出層霄上今年宰相收夜
郎扶南盤况求王章遠隨方物貢天闕屹然立仗
金堦旁 聖朝自不貴異物致此亦足威遐荒黃
門鼓吹暮復動海立山移呼浩洶大秦獅子多威
神山林豈是皇家珍

明正統五年翰林侍講劉球奏天雨連綿宣武街西河決漫流與街東河會合二水汎溢淹沒民居請修築以消其患仍會官計議于城外宣武橋西量作減水河以洩城中諸水上命工部右侍郎邵旻成國公朱勇勘視旻等稱言實具修築事宜以聞復命欽天監正皇甫仲和審視作減水河利否仲和言宣武門西舊有凉水河東城河南岸亦有舊溝皆可疏濬以洩水勢上是之

原按明成化中楊尚書鼎喬侍郎毅同袁叅將右

會勘稱三里河源出彰義門外玉匠局等處馬跑等泉則自西而東不知從何處流入劉忠愍所云京水河及城河南岸舊溝亦不辨所在海波寺久廢其街之南有清廠潭上有龍王堂又南東爲章家橋又南爲虎房橋橋西南爲潘家河沿計新城未築時無地無水今其故道皆不可考矣

考按宣武門外橋東今有響水閘其明時所築減水河故道已不可考凉水河源出鳳泉詳郊垌門元劉崧順承門送別詩送客出城秋已涼太行南

上楚天長順承門外斜陽裡蕎麥花開似故鄉

○李將軍園在西城其遺址無考

徐乾學飲李將軍園詩宣武門西別業幽羣公載
酒共銷憂石迴鸚鵡依雕檻泉噴珠璣入畫樓倚
樹詩成欣暇日看山人醉坐深秋六龍正向榆關
度留得陽和遍九州

○同園在西城今無考

查慎行上巳後五日同園看花詩結鄰眞喜近斜
街步履尋春又一回五日重來光景換早花零落

宸垣識畧

卷十

十三

晚花開 山桃含笑海棠妍素柰香清亦可憐小
雨乍晴晴又雨今年天是養花天

長椿寺在土地廟斜街明慈孝皇后建以居水齋禪師
其大弟子爲神宗替修賜千佛衣及姑絨衣各八百
件米麥等物動千石有二庫以二中官專貯三宮布
施金錢有滲金多寶佛塔高一丈五尺有萬歷中工
部郎中米萬鍾書水齋禪師傳碑 本朝乾隆二十
一年重修有兵部尚書宋德宜碑

長椿寺大殿旁藏佛像十餘軸中二軸黃綾裝裱一

繪九朶青蓮花捧一牌題曰九蓮菩薩之位明神宗
母李太后也一繪女像具天人姿戴毘盧帽衣紅錦
袈裟題菩薩號下注崇禎庚辰年恭繪烈皇帝生母
孝純劉太后二圖不知何時安奉寺內今乃委積塵
埃中

考按今祇女像戴毘羅帽一軸九蓮花一軸無並
無字樣

明徐本高過長椿寺贈水齋上人詩涼秋新月影
生苔古栢蒼蒼有徑開清梵數依祇樹起天花如

宸垣識畧

卷十

十四

共妙香來三千遍界身能定七十餘年心未灰我

自朝衣淄欲染堂前童侍莫相猜

水齋號歸
空名明陽

毛奇齡陪益都公長椿寺飯僧詩珠林高向帝城
開臘日同登說法臺貝葉翻經龍聽去天花作供
鳥啣來深厨香積維摩饌小品籤投殷浩才誰信
經冬尋寶樹杪櫛猶是舊時栽

查嗣堞雜詠詩跨鳳前身事不虛九蓮經授夢初
回龍章鳳額招提遍不及慈寧聖母書

北營叅將署在宣武門外斜街

趙吉士寓居在長椿寺西今爲全浙會館內有景賢祠
紫藤僧舍乾隆間苕上孫人龍作祠記仁和趙佑跋
長元按孫記云館卽趙氏寄園考爲前明冉駙馬
月張園遺址則今教子胡同所稱寄園豈趙氏另
一別業耶又冉都尉月張園朱竹垞載阜成門傍
城垣下此云卽其遺址殆傳聞之誤

都土地廟在土地廟斜街卽元之老君堂每月初三十
三二十三日有廟市

聖恩寺在斜街東廣寧門大街遼開泰間重修有大悲

宸垣識畧

卷十

十五

閣閣後有方石甃八角塔今寺存而閣與塔俱無

析津志凡載昊天憫忠聖安等寺俱云在舊城而此
寺亦云舊城則今之聖恩寺當卽唐時遺址無疑

增壽寺在廣寧門大街之北明敕建碑無考 本朝乾
隆二十一年重修有

御書額

懺園在增壽寺夾道口撫王燕別業今尚存

毛奇齡遊王大中丞園林詩攬勝覓佳囿入門生
隱心岩從雲外接人向洞中尋絕閣摩天豁空壇

負日陰恍疑臨塞峽騎馬度彈琴

居庸關有彈琴峽水聲如琴

複磴風前折陰崖雪後寒橋迴雙澗落石隙一

亭安翠在遮行幔銀牀漱急湍林疎垂縷絡尚有

蔓胡蟠

西城正指揮署在廣寧門大街

大慈仁寺在斜街西廣寧門大街之北門額曰大報國

慈仁寺亦稱報國寺元時二松無存毘盧閣已久圯

矣 本朝乾隆十九年發帑重修有

御書聯額及詩碑寺有窟變觀音像相好莊嚴有

宸垣識畧

卷十

十六

御製記并詩每月逢五六日有廟市

燕都遊覽志大慈仁寺殿前二松相傳元時舊植臺

右一株尤奇寺後毘盧閣甚高望盧溝橋行騎歷歷

可數閣下瓷觀音像高可尺餘寶冠綠帔手捧一梵

字輪相好美異僧云得之窟變非人工也

慈仁寺本爲周太后弟吉祥建而寺有成化二年御

製碑止云爲太后祝釐不及吉祥蓋當時尚諱言其

事唐應德詩云同行更說前朝事繡蟒銀魚有故僧

至歸熙甫作記始詳言之寺建于故報國寺山門之

東都人至今日爲報國寺然實非報國寺舊址也
慈仁寺亦呼報國寺蓋先有報國寺在寺之西北隅
今僧院中尚有遼乾統三年尊勝陀羅尼石幢
考按今報國寺西北隅有寺無額土人呼爲小報
國寺遼幢無考

施閏章慈仁寺松詩直欲凌風去翻從拂地看摧
殘經百折偃仰鬱千盤老閱山河變陰兼日月寒
支離爾何意不厭卧長安

尤侗清明日登毘盧閣詩滿城土雨踏青難梵閣

宸垣識畧

卷十

十七

岩巖一倚闌北闕雲開燕市近西山日落漢陵寒
蒼松骨老龍鱗動綠柳腰低燕語殘斗酒雙柑休
惜醉春風不易到長安

高珩九日獨登報國寺閣詩野色橫今古西風滿
帝州山寒雲外出水遠日邊流萬象秋皆靜浮生
倦亦休長松幽意愜少爲夕陽留

○槐樓在報國寺左武清侯李偉別業今無考

廣德寺在宣北坊慈仁寺之左殿階東有匡山釋宗材
碑文稱寺係古剎明正德間重修嘉靖六年太監金

允等塑香花菩薩于殿中今鐘鼓樓皆圯矣

善果寺在宣武門外西南二里白紙坊舊名唐安寺創于南梁明天順間復建有修撰嚴安理太常卿張天瑞禮部尚書周洪謨光祿少卿李紳四碑 本朝順

治十七年

世祖章皇帝臨幸其地有康熙十一年大學士馮溥碑

考按善果寺在廣寧門大街北巷內

馮溥九日登善果寺毘盧閣詩寶閣峻嶒俯 帝

京芙蓉西望削初成龍窺方丈三更雨天假重陽

宸垣識畧

卷十

十八

一日晴入眼黃花矜晚節舉頭鴻雁惜歸程茱萸剩有仙人佩池草何緣寄遠情

歸義寺在善果寺西遼刹也天王殿前一碑無撰書人姓氏額題彌陀邑特建起院碑文稱寺肇自清寧七年買徐員外地遂爲歸義寺

考按善果寺西半里有菜圃遼碑在焉倚晴閣雜抄謂其地卽歸義寺以碑考之似別爲一寺而歸義寺乃在其北買徐員外地云殆誤讀耳

歸義寺在舊城時和坊內有大唐再修歸義寺碑幽

州節度掌書記榮祿大夫檢校太子洗馬兼侍御史
上柱國張冉撰畧曰歸義金剎肇自天寶迫以安氏
亂常金陵史氏歸順特詔封歸義郡王兼總幽燕節
制始置此寺詔以歸義爲額大中十年庚子九月立
石

考按歸義寺朱彝尊所引諸書俱以爲遼剎考析
津志則寺實建于唐遼時石幢久淪土中 本朝
乾隆十九年土人于菜圃掘得之記二篇今置善
果寺內

宸垣識畧

卷十

十九

查慎行歸義寺詩地作隣人業苔侵破廟堦兩三
碑背字猶記會同年

○紫金寺在宣武門外迤西寺門西向有明嘉靖三十
二年尚寶卿李圻碑謂寺始建于宋云

考按紫金寺已廢其遺址在善果寺東南百餘步
明李圻碑今移在西便門大街華藏菴門外橫卧
道左離故處里許矣

○晚翠閣顧俠君寓居近西便門

查慎行顧庶常招飲晚翠閣詩萬卷書多插架仍

肯教輕棄短檠燈簾前涼以三更雨屋裡清于六月冰朝爽不名名晚翠閒官何似似高僧依稀宣北坊西角鴻爪留泥我亦曾

西城吏目署在西便門內

西便門在外城之西北隅

華藏庵在西便門大街

○一莖菴在西便門內 本朝龔尚書芝麓別業所改內有妙光閣香林亭

湯右曾過妙光閣詩披蘚香門入穿雲小閣登松

宸垣識畧

卷十

二十

間耿殘照天外刷秋鷹勝節清游數流年百感增西風重九日吹灑酒三升

○遼大昊天寺故基在西便門大街之西今已廢爲農圃有寶塔無考惟井泉尚存

昊天寺遼刹也碑記無一存者訪之惟萬歷間山陰朱敬循一碑其建置本末俱不詳塔址已爲居民所侵寺門一井泉特清冽不下天壇夾道水也

遼道宗喜作字秦越大長公主捨棠陰坊第爲大昊天寺帝爲書碑及額在燕京舊城

元王惲登昊天寺寶嚴塔詩高標直上跨蒼穹物
外方知象教雄九陌市聲開曉色兩都喬木動秋
風遙憐漢馬屯湘渚安得長書附塞鴻寂歷村墟
野烟外誰家簾幙夕陽紅

王士禎柬陳藹公于昊天寺詩重來依老衲蘭若
倚西城白日一何速青山無世情冢中王輔嗣林

下古先生好共蟬連語寧論世上名

寺旁多古冢故戲及

朱竹垞寓居在槐市斜街

朱彝尊移居槐市斜街詩莎衫桐帽海樓鞋隨分

宸垣識畧

卷十

二十一

琴書占小齋老去逢春心倍惜爲貪花市住斜街

屠門菜市費羸驂地僻長稀過客談一事新來

差勝舊昊天寺近井泉甘

槐窻查初白寓居在槐市斜街

查慎行十月望後周桐野王樓村過槐窻看菊留

小飲詩老瓦盆中花十本上槐街裏屋三間眼前

此景殊不俗輦下幾人能愛閒我已掀泥除蘚徑

客方冒雨叩柴關寒林瘦竹蕭蕭意着片疎籬卽

故山

○娑娑亭飲山亭在彰義門內元馬文友別墅今無考
廣寧門在外城之西元名彰義門

寶應寺在廣寧門東南地名南燕角相傳唐刹也有明
萬歷中編修顧秉謙碑又萬歷三十二年鐘一旁有
明司禮監王安墓

峩嵒禪林在老君地康熙初年建

○燕角樓在府西南十五里遼建今其地猶名燕角
考按遼燕角樓今無考惟土地廟之西其地猶有
燕角兒之名閣讀如藁更考明張爵五城坊巷胡

宸垣識畧

卷十

二十二

同集于白紙坊亦載有燕角兒正在廣寧門右安
門內西南角是明一統志所載正指其地況遼時
城址其半在今外城之西則今燕角之地適當其
東遼時樓址或卽在是

白紙坊南城諸坊白紙坊最大元于此設稅副使北自
善果寺南至萬壽宮西極天寧寺皆是也自嘉靖築
新城以城墻界之坊劃而爲兩矣今居民猶以造紙
爲業

千佛寺在棗林街明嘉靖間重建有明碑一

崇效寺在白紙坊有明夏子開區大相二碑謂寺建于唐貞觀元年者祇據舊碑其所載他書不可考也嘉靖中太監李朗于寺中建藏經閣尚存

王士禎過崇效寺訪雪塢法師看棗花詩祇園棗花時招携共游散彷彿旃檀林吹香綠陰滿射覆叱來來樂府歌纂纂樂此淡忘歸林中夕陽緩王謝居東日頗愛支道林亦有雁門僧宗雷並招尋我來空寂舍一契山水心復有二三子清言滌煩襟遞捉玉麈柄流憩青松陰何必嵯縣遊而憶

宸垣識畧

卷十

二十三

廬山岑

朱彝尊崇效寺詩繚垣途轉曲入寺淖初乾尚有殘僧在同尋斷碣看白花秋細細紅棗曉攢攢更上荒臺望遙山五髻盤

曇花寺在崇效寺西北明建

聖壽寺在崇效寺後相傳唐剎無碑碣可考

古林院在白紙坊祀關帝前有戲臺蓋里社祠也有明

萬歷二十年鐘一

火藥局在白紙坊西南

右安門在外城南之西

南營西南二守備署駐右安門牛街

禮拜寺在牛街回人所居內碑碣皆回部書

聖安寺在牛街東聖安寺街金時所建明正統中賜名

普濟 本朝乾隆四十一年發帑重修額曰勅重建

古剎聖安寺內殿額皆

御書舊有三世佛像三尊今移 靜明園供奉又旃檀

銅佛像一尊今移于 寧壽宮供奉其他像皆重塑

莊嚴完好寺東廊有碑二其一前刻旃檀佛像有諸

宸垣識畧

卷十

二十四

表臣記後刻達摩像有李言贊其一前刻觀音像後

刻關帝像俱勒萬歷己丑八月字明僧慶德碑無考

惟張壽朋碑尚存寺有古松二株俱百餘年物獨兩

楸樹則無之金元碑俱無考

聖安寺有金世宗章宗二朝像朱竹垞云考宋顯夫

城南俚歌有停驂惆悵聖安寺後堂空祀李宸妃則

寺所留像不獨二帝矣

聖安寺地名東湖柳村中有佛像三諸天像四以藤

爲胎泥金裝飾瓔珞甲冑俱嵌珊瑚青金諸寶石莊

嚴精好寺僧云明崇禎時大內賜出

宋犖夏日柳湖僧舍詩向夕微風起遙天片月斜
禪宮添閨寂 帝里得烟霞小院搖清碧長楸落
晚花西山還對我空翠浩無涯

寄園在菜市西南教子胡同康熙中戶科給事中趙吉
士別業今存老屋數間樹木甚古

查慎行九日遊趙恒夫寄園詩縈成曲磴疊成岡
高着樓臺短着墻花氣清如初過雨樹陰濃愛未
經霜熟遊不受園丁拒放眼從驚客路長亦有東

宸垣識畧

卷十

二十五

籬歸不得四年京洛共重陽

沈德潛移居寄園詩屋角時聞噪晚鴉土墻一帶
任周遮行人欲認詩人寓老樹邨邊第二家 苔
垣舊剩玲瓏句土室新安曲盞牀莫話寄園全盛
事酒旗歌扇已滄涼

○竹林寺遼道宗八年楚國大長公主捨私第爲寺賜
額竹林又曰金熙宗駙馬宮也寺僧云一塔無影

考按竹林寺明景泰中重建易名法林在筆管胡
同今廢爲菜圃有天順間翰林學士呂原碑其塔

已無可考

永慶寺在教子胡同今尚存殊隘陋有鐘一上鑄萬歷壬寅五月字

憫忠寺在菜市西南爛麪胡同之西唐貞觀十九年建東西有兩塔高可十丈是安祿山史思明所建明正統中改名景福 本朝雍正九年發帑重修
賜額曰法源寺有

世宗御書聯額又御製法源寺碑內閣學士禮部侍郎勵宗萬奉 敕書乾隆間有

宸垣識畧

卷十

二十六

皇上御書心經碑四十三年重修

唐太宗憫東征寺卒戰亡收其遺骸葬幽州城西十餘里爲哀忠墓又于幽州城內建憫忠寺中有閣諺曰憫忠高閣去天一握

考按唐時幽州鎮城遺址在今外城之西及廣寧門外地故寺在其東采師倫書重藏舍利記稱寺在于城東門內百餘步又景福元年碑亦云大燕城內地東南隅有憫忠寺門臨康衢可互證也今則在外城之西隅矣廊下石刻及磚塔俱無考

蘇靈芝書寶塔頌今在憫忠寺

是碑陷文甚多
朱竹垞有案

采師倫正書重藏舍利記在京師憫忠寺碑建于唐會昌六年九月此初復佛寺之文也

考按累朝遺碣如唐蘇靈芝書寶塔頌景福元年重藏舍利記及遼大安間觀音地宮舍利函記金大定間禮部題名記諸碑皆足以資考證

元張翥登憫忠閣詩百級危梯遡碧空憑闌浩浩納長風金銀宮闕諸天上錦繡山川一氣中事往前朝僧自老魂來滄海鬼猶雄只憐春色城南苑

宸垣識畧

卷十

二十七

寂寞餘花落舊紅

王士禎九日獨游憫忠寺詩閒居愛重九獨往果幽尋初地凭高閣諸天落梵音雁王投極浦鹿女蹋空林玉輦經行地青松馳道深

魏之琇游憫忠寺詩琳宮深邃栢蒼蒼懺佛臺因古國殤妙法有源逢 聖世孤忠堪憫惜唐皇老

僧戒約温而厲

寺係律門

游客詩情慨以慷莫向殘碑

說安史景山鼙鼓更淒涼

宋謝枋得被魏天祐强赴燕京問謝太后攢所及瀛

國公所在再拜慟哭已而卧病遷憫忠寺見壁間曹娥碑泣曰小女子猶爾吾黨不汝若哉不食而死明景泰中諡曰文節

明袁繼咸燕都弔謝疊山詩北風塵起征車促南火傷心不再噓三敗猶還仲母在兩旬忍餓漢臣如歸降當日原無表却聘留今只有書天使先生沈卜市建陽橋亦首陽居

明御史趙譔祠在憫忠寺西崇禎甲申殉難墓在祠後乾隆間諡忠愍

宸垣識畧

卷十

二十八

○尉使君寺北魏元象元年幽州刺史尉長命造後改爲智泉寺唐則天時改爲大雲寺開元中改龍興寺在憫忠寺前隋造塔藏舍利處

考按元一統志唐大中時節度使張信伸奏立精舍并東西浮圖曰殊勝曰永昌賜額延壽遼保寧中建殿九間窮極偉麗金海陵天德三年爲宮世宗大定二十一年命有司別錫地重建今無考

○綿山寺在憫忠閣西

○靈虛觀在憫忠寺前蝦蟆岸內有古槐今俱無考

○白馬寺在宣南坊憫忠寺南地名添官保隋刹也殿後尊勝陀羅尼幢上刻仁壽四年正月上旬造明洪熙間重建有翰林學士張元楨工部尚書張文憲二碑其東有僧塔塔前有古碑已爲侵占者所毀矣今寺已圯其地名白馬寺坑明碑尚存

朱彝尊白馬寺詩仁壽千年寺今存半畝宮落鐘橫道北瓦塔限牆東客至愁嗥犬僧寒們蟄蟲夕陽留未去雙樹鳥呼風

火神廟在白馬坑西明宣德四年建元火焰營舊址也

宸垣識畧

卷十

二十九

有明碑二 本朝乾隆間重修有編修茅元銘碑

○靜寧寺在都城之南圯已久明天順間內監潘英爲之重建賜額崇福有翰林學士商輅碑又播陽釋道源碑今已圯廢土人尚目之曰新寺

原按萬歷初孝定皇太后營造愈衆而一經修建寺額輒更如憫忠靜寧相去甚邇同更曰崇福後人之考證實難

○宏仁萬壽宮明萬歷四十三年勅建中爲文昌殿左以祀諸葛孔明封號曰天樞上相右以祀文信國封

號曰天樞左相皆目之曰真君祀雷神于後殿設禮
斗臺最後建高閣十三楹曰太極造運寶閣以安昊
天上帝有神宗御製碑

考按宏仁萬壽宮在盆兒胡同之西遺址僅存無
寸椽矣土人猶呼爲萬壽東宮因其西百餘步尚
有萬壽西宮也文昌像及諸葛孔明等像俱移于
盆兒胡同玉皇廟內

徐乾學玉皇閣詩崇臺臨廣陌列館俯平臯片水
寒烟積千峯秋靄高苑墻獵騎過津樹野鷗號落

宸垣識畧

卷十

三十

葉縈仙竈殘霞胥客袍蒼然收塊莽靜若遠城壕
旅鬢繁霜換流年逝水滔得閒頻載酒乘興卽揮
毫公子江籬佩佳人金錯刀書鞭殊未已臘屐不
言勞莫忘城南飲今朝意氣豪

萬壽西宮在盆兒胡同西明萬歷間建今尚完整有關
帝殿呂祖殿其後斗姥閣三層高四五丈亦有神宗
御製碑

長元按廟額書關帝廟神宗御製碑係封關聖爲
翊天大帝其萬壽西宮之稱乃土人因在萬壽宮

西而名之耳

○城南道院在望遠村東去陶然亭二里

查慎行移寓城南道院納涼詩不信人間有鬱蒸
好風來處晚涼增滿城鐘磬初生月隔水簾櫳漸
吐燈書少只宜高閣度墻低聊當曲闌憑白鬚道
士休相避我已身如退院僧

○樵沙道院在城南查慎行詩云樵沙古道院風氣清
瀏瀏入門樹干霄檜栢榆槐楸蓋古剝也今無考

玉皇廟在盆兒胡同明萬歷中建有光祿少卿史紀事

宸垣識畧

卷十

三十一

碑 本朝順治十四年重修

世祖章皇帝臨幸其地有大學士金之俊碑

蓮花寺在七井胡同

水月禪院在爛麵胡同建置年月無考有順治十六年

西洛王無咎書額

京師二月淘溝穢氣觸人南城爛麵胡同尤甚深處
各二丈開時不通車馬此地在憫忠寺東唐碑稱寺
在燕城東南隅疑爲幽州節度使城之故濠也

考按爛麵胡同在宣南坊所稱唐碑卽憫忠寺條

下所載景福元年重藏舍利碑也唐幽州節度使
城其址半在今外城之西則城濠故址或當在此
○怡園在橫街西七間樓康熙中大學士王熙別業中
有額曰席寵堂曰耆年碩德曰曲江風度皆

聖祖御賜今亭館已圯其地析爲民居矣

毛奇齡怡園詩山莊清沐駐驂驛曲徑通街出巷
南纔到射堂門啟處門紗映出一山藍 青溪百
折洑流低不見桃花路已迷欲向岩前尋舊迹漁
舟尚在洞門西 赤闌斜度暗杉關樹底吹笙鶴

宸垣識畧

卷十

三十二

自還行過摘星岩畔望紅亭高出碧雲間 小雨
初過景倍清山堂設饌午烟晴綠腰唱罷彈俱歇
滿耳惟聞流水聲 草花續樹晚猶生石棧連雲
斷復行怪道午橋風景別一花一石手經營 平
門近市亘修廊西北高樓傍粉墻桂檻下臨光德
里柳絲低拂永豐坊

長元按七間樓在橫街南半截胡同口卽怡園也
相傳爲嚴分宜別墅其北半截胡同有聽雨樓則
東樓別業今歸查氏又王氏青箱堂在米市胡同

關帝廟北今歸胡大司寇其宗祠在繩匠胡同南
外爲民居有王氏宗祠四字磚刻尚存

查慎行集聽雨樓詩白髮春垂暮紛紛日校書忽
聞傳尺牘招我過園廬簾引新雛燕牀拋舊佩魚
此中饒勝賞大可賦閒居

大學士陳文簡元龍邸在繩匠胡同北有

聖祖御書愛日堂額西有園亭通北半截胡同

關帝廟在米市胡同南明天啟乙丑年內官建有大學
士顧秉謙碑又 本朝康熙間鼎鑪一寺僧云

宸垣識畧

卷十

三十三

聖祖嘗幸其地故廟中門不開

會同四譯館在橫街中

華嚴菴在四譯館東係舊刹無考

千佛寺在橫街中

張相公廟在延旺廟街舊係關帝廟 本朝康熙二十
二年蕭山紳士重建祀文武二帝暨宋封浙江潮神
靖江王張公有少詹事周之麟碑

保安寺在米市胡同東保安寺街明正統年賜額有嘉
靖間右通政郭秉聰 本朝乾隆間釋通理二碑

玉皇廟在保安寺東明崇禎二年建

元帝廟在驪馬市明建今爲收稅局前宇祀馬神有

本朝順治間大學士王熙禮部尚書劉廷玉二碑門外東西半里許每日黎明貨賣舊物名西小市

晉陽菴在潘家河沿南口內有銅觀世音像高三尺餘下有欵識云大唐貞觀十四年尉遲敬德造黎秘書民表隸書古佛菴三字極工後像移置稽山會館

考按古佛菴在受水塘像自晉陽菴移彼復移稽山會館在虎坊橋東今浙紹鄉祠也旁有眼藥菴

宸垣識畧

卷十

三十四

供銅大士一尊并善才龍女銅質甚古潤並無尉遲敬德欵識或係後人更換或本屬相沿附會之說朱原書未考

崇興寺在粉坊街北口崇興寺胡同明天順四年勅建有成化二十年磬二今比邱尼居之

響鼓廟在崇興寺南亦古刹也踞高阜前後神宇各三楹有萬歷間磬一

黑窑廠爲明代製造甄瓦之地 本朝均交窑戶備辦此廠遂廢其地坡壠高下蒲渚參差都人士登眺往

往而集焉

長元按今廢窰上建眞武殿三楹翼以小屋道人
居之路口有靈官閣坡徑紆迴盤折而上可以眺
遠名曰窰臺夏間搭涼篷設茶具重陽後葦花搖
白一望彌漫可稱秋雪亦城南一勝地也

沈德潛九日同人黑窰廠登高詩崇岡突兀俯南
城木落寒林眼倍明雙闕參差佳氣合三關層疊
暮雲橫風霜慘澹重陽節燕趙悲歌終古情況有
酒人同會合一杯便欲酌荆卿

宸垣識畧

卷十

三十五

龍泉寺在黑窰廠西不知創于何時有明謝一夔碑載
成化間僧智林修復爲淄流掛錫之地 本朝康熙
間僧海鬘重修

太清觀在龍泉寺南地名珠營明萬歷間建無碑今圮
廢惟山門尚在羽士居之

慈悲庵在黑窰廠南近城垣西偏爲陶然亭北院內有
遼壽昌五年慈智大德師佛頂尊勝大悲陀羅尼幢
并記又庭前有金天會九年四月石幢四面各鏤佛
像其三隅刻咒文皆西域梵書而標以漢字曰淨心

法界陀羅尼觀音菩薩甘露陀羅尼智炬如來心破
地獄陀羅尼惟一隅漫漶僅辨年月則招提勝境由
來舊矣

陶然亭康熙乙亥江郎中溱所建取白居易詩更待
菊黃家釀熟與君一醉一陶然今士大夫恒于此讌
集焉

湯右曾秋日登大悲庵後亭詩石幢重到訪遺經
秋色蒼然落此亭鴻雁影低連古堞蒹葭聲冷繞
迴汀如絲氣上龍泓白滿月光搖佛髻青願證諸

宸垣識畧

卷十

三十六

天菩薩戒自今刀几謝羶腥

杭世駿詩溪風吹面蹙晴瀾葦路蕭蕭鴨滿灘六
月陶然亭子上葛衣先借早秋寒

○刺梅園在南城近黑龍潭今無考

曹貞吉游黑龍潭還過刺梅園詩刺梅花未發有
約故人來落葉紛如夢松風對舉杯城陰春似水
石磴雨生苔三徑遙相待蓬門盡日開

○封氏園在南城有古松相傳金源時物今無考

查慎行過封氏園飲矮松下詩刺蘼花外矮松前

指點遊踪廿四年枝亞平行妨翠鬣杖端摩頂透
青天與誰作伴人先老閱世如流我獨憐賣却朝
衫充一醉免教歸欠酒家錢

長元按同園刺梅園疑卽李將軍封氏二園俟考
黑龍潭在先農壇西偏有龍王亭亦爲祈禱雨澤之所
乾隆三十六年命工鳩治修飾整潔

京師有三黑龍潭一在城西畫眉山一在房山縣一
在南城黑窑廠其潭一方池爾水涸時中有一井以
石甃

宸垣識畧

卷十

三十七

施閏章九日同人集黑龍潭以偶病未赴詩長安
雲物易爲秋九日羣登傍浦樓雷雨此中生絕壑
蒹葭何處有孤舟西山倒影當尊酒大漠悲風試
客裘誰信少文懷五嶽良時偏卧不同遊

徐乾學集黑龍潭詩城南仙館問幽踪陶穴人家
路幾重古堞寒雲連絕塞高壇深樹祀先農絳霄
九奏看翔鶴碧甃千年起蟄龍宴坐繩牀無一事
洞門餘靄落青松

○祝家園在先農壇西左都御史祝氏別業今無考

王士禎同人招集祝氏園詩黃門休沐暇池館愜
招尋人語碧苔徑鶴鳴修竹林微風交落絮流水
澹春陰坐愛儵魚樂悠然濠上心

趙作舟同人集祝園詩誰憐濠濮意酒罷獨登樓
漦動知魚樂花飛入客愁無心同止水何地不虛
舟芳草美人暮驚風吹未休

毛奇齡姬曼殊詩堦草銜虛檻亭榴接斷垣酒闌
携錦瑟請唱祝家園

西河注云梁尚書清標有祝家園桂枝香詞姬最愛歌之

都城隍廟在橫街之東先農壇西北 本朝康熙年建

宸垣識畧

卷十

三十八

內塑城隍行宮每歲清明中元十月朔日都人迎賽
祀孤

東嶽廟在都城隍廟東 本朝建有順治丙申內翰林
劉澤芳乾隆丁酉編修曹學閔二碑

○野鳧潭在祈穀壇西北積水十餘頃四時不竭每日
有野鳧游泳其間因名之

查慎行詩潭潭積潦浸城隈不長菰蒲長水落我
夢江湖歸未得野鳧何事却飛來

○南園在虎坊橋南爲崑山徐司寇乾學別業今遺址

無考

徐乾學奉邀說巖先生同姜朱二翰林虎坊別墅
宴集詩半歲苦淹病病起乍行藥眷焉思所欽蹤
跡久寥濶市南虎坊園幽居帶林薄雅堪延野色
憑眺有茵閣相期展塵事竟日共盤礴巾車方及
門高駕俄趾錯青絲挈春釀促坐成小酌極望郊
壇樹微風韵遙鐸驚沙白皚皚流靄青漠漠人生
俯仰間適志原無著伊予經宿疴盤辟類繫縛翼
大不能運如彼雕陵鵲託契惟沉冥縈懷但邱壑

宸垣識畧

卷十

三十九

稷禹佐明時巢許欣有託已能齊鵬鷃詎復岐龍
蠖粲粲濩澤公開濟負偉畧枯枝廢雕鏤不材終
瓠落潛見理則殊奚煩更咨度何爲王僧孺只解
京華樂吳歛讓邊筑蓴羹比羊酪二君聽我言盃
落大嗚噓幸得張東門無爲詠塲藿

萬明寺在虎坊橋東南香廠爲元水浙庵遺址 本朝
康熙間重建殿宇壯麗稱巨刹焉

眼藥菴卽浙紹鄉祠之旁室明時稱稽山會館在虎坊
橋東菴內古銅大士像傳是晉陽庵移置者

仁壽寺在先農壇北顯德廟遺址也明萬歷元年伏牛山行者眞玉卓錫于此內官張朝因宮女陳秋香聞之仁聖太后遂捐貲屬司禮監馮保建寺有李廷機劉效祖二碑今無存 本朝乾隆間士民重修殿宇甚完整

靈佑宮在先農壇北仁壽寺之東舊爲十方道院明萬歷癸丑司禮監魏學顏闢地數十畝建閣一爲殿五請于朝賜護國靈佑宮有大學士葉向高碑本朝乾隆間重修

宸垣識畧

卷十

四十

天仙廟在靈佑宮西本宮內旁殿今爲他羽士居之

施閏章天仙宮尋徐善長詩城東仙觀遠白日到人稀移病從開卷官閒肯息機青蘿深石壁高樹隱郊扉却許論詩客淹留坐不歸

中城正指揮署在鷓兒胡同

斗姥宮在天橋西康熙年建有

聖祖御書普慈延壽閣二額三十四年翰林侍講學士高士奇碑四十四年翰林侍讀學士查昇碑今士民重修甚完整

眞武廟在斗姥宮東建于明代 本朝康熙間重修有
翰林編修左敬祖碑

先農壇一名山川壇在正陽門外西南永定門之西與
天壇相對繚以垣墻周回六里中有天神壇地祇壇
太歲壇先農壇耜田俱在其內

先農壇制方南向一成方四丈七尺高四尺五寸四出
陛各八級東南爲瘞坎壇北爲殿五間以藏 神牌
東 神庫西 神厨各五間左右井亭各一東南爲
觀耕臺方廣五丈高五尺面甃金磚四圍黃綠琉璃南

宸垣識畧

卷十

四十一

東西三出陛各八級繞以石闌柱前爲耜田後爲
具服殿五間南向三出陛南九級東西各七級東北爲
神倉中廩制圓前爲收穀亭左右倉十有二間後爲
祭器庫繚以周垣南門一每歲

親耕有 御製三十六禾詞被樂人歌之

徐本 聖主躬耕耜田恭紀旭日旌旗輦路分肇
開東作邁思文燃蕭默祝千村雨秉黛深鋤一片
雲柳漸鳴鳩春意滿杏初飛燕午風薰袞衣成禮
臨黃幄次第公卿致力勤 鳳城環繞綠疇多羣

仰躬耕駐玉珂兆姓盡知敦本意老農齊唱得
年歌兩岐定見舒新麥同穎欣看長瑞禾帝德
天心相契合豐登寰宇共誠和

張湄 聖主躬耕藉田恭紀蒼龍勤夙駕元鳥協
春聲土潤蒲芽淺香霏杏樹晴枝燈融絳蠟貝闕
吼華鯨下界祥光動東方曉氣清風雷爭啟蟄日
月會飛旌嶽嶽青壇立昫昫綺陌橫民依先本計
帝力率深耕仗外耰耨集星前劍佩迎落花侵
輦道新柳拂帷城禮自三推始躬爲百辟程子

宸垣識畧

卷十

四十二

來終御畝寅亮法天行葱牂遵途熟朱紘映旭明
扇和風翕習含澤水晶瑩樵燎看旁達禾歌取載
賡咨諏紆睿顧望幸愜輿情千耦田功發雙岐
地秀呈豈惟馨黍稷迄用美坻京化洽羣侯仰膏
流品物亨隴烟翔雉羽村暖悅鷓鳴伐鼓遙村社
吹簫小市錫佳辰過冷節比戶賜香秔洋溢呼嵩
韻殷勤獻曝誠夏畿猶有諺堯德不容名瑞表金
穰異鑾迴玉步鏗葩雲追蓋遠翠蜀傍輪平禁苑
行觀刈郊宮幾奉盛靈山傳甕現好雨襍珠傾快

慰豚蹄祝潛消箕舌征菑畚由 寶訓庾廩寄蒼
生共坐春臺上欣隨木向榮

太歲殿在先農壇之東北正殿七間南向三出陛各六
級東西廡各十有一間前爲拜殿七間東南燎鑪一
壇內垣南北東西各三門

明初肇祀太歲禮官禱議因及陰陽家說十二時所
直之神太祖乃定祭于山川壇之正殿而以春夏秋
冬四月將分祀兩廡嘉靖間禮臣言太歲之神自唐
宋以來不在祀典惟元有之祭于太史院國朝始有

宸垣識畧

卷十

四十三

定祀按說文太歲木星也一歲行一次十二辰而一
周天其爲天神明矣亦宜設壇露祭

神祇壇在先農壇內垣外之東南正南三門繚以重垣
東爲

天神壇制方南向一成方五丈高四尺五寸五分四
出陛各九級壇北設青白石龕四鏤以雲龍各高九
尺二寸五分祀 雲雨風雷之神壇方二十四丈高
五尺五寸壝正南三門六柱東西北各一門二柱柱
及楣闕皆白石扉皆朱櫺西爲

地祇壇制方北向一成廣十丈縱六丈高四尺四出
陛各六級壇南設青白石龕五內鏤山形者三祭
五嶽五鎮五山之祇鏤水形者二龕下四圍鑿池祭
則貯水祭 四海四瀆之祇各高八尺二寸壇東從
位石龕山水形各一祭 京畿名山大川之祇西從
位石龕山水形各一祭 天下名山大川之祇各高
七尺六寸壇方二十四丈高五尺五寸壇正北三門
六柱東西南各一門二柱柱及楣闕皆白石扉皆朱
櫺

宸垣識畧

卷十

四十四

明嘉靖九年改定風雲雷雨神牌次序曰雲雨風雷
上曰雲雨風雷天神也嶽鎮海瀆地祇也城隍人鬼
也焉可雜于一壇而祭之議以城隍之神歸于本廟
于常祭外添祭一壇
壇垣東門外北爲

慶成宮南向正殿五間崇基石闌前左右三出陛各九
級後殿五間左右配殿各三間正殿前時辰牌石亭
一內宮墻南三門東西掖門各一外宮南中三門左
右各一門東南鐘樓一外垣周一千三百六十八丈

東向門二南北並列南入先農壇北入太歲殿皆三門角門一

○旗纛廟在太歲殿之東明永樂中建神曰旗頭大將曰六纛大神曰五方旗神曰主宰戰船之神曰金鼓角銃砲之神曰弓弩飛鎗飛石之神曰陣前陣後神祇五猖等衆皆南向旗纛藏內府仲春遣旗手衛官祭于廟霜降祭于教場歲暮祭于承天門今廟廢
觀音寺在先農壇南近永定門建于明萬歷中崇禎時王應魁鑿井施茶今井存有編修魯元寵碑

宸垣識畧

卷十

四十五

佑聖菴在觀音寺南

西城會館之著者西河沿排子胡同曰江夏三眼井曰婺源延壽寺街曰潮州長元吳柴兒胡同曰鄱陽楊梅竹斜街曰含和廊房三條胡同曰浮梁施家胡同曰青陽煤市街曰漳郡乾井胡同曰贛寧百順胡同曰晉太平王廣福街曰汾陽新建留守衛曰高安石頭胡同曰黃巖西猪市曰潞安贛寧奉天九江平定仁錢翼城浙紹李鐵鍋斜街曰襄陵三原延定肇慶外郎營曰瓊州韓家潭曰廣東櫻桃斜街曰貴州章

家橋曰渭南朝邑玉皇廟曰富平梁家園曰惜字孫
公園曰泉郡鐵老鸛廟曰大荔蒲城麻線胡同曰郢
中南柳巷曰建寧華州北柳巷曰南豐青廠曰廣西
鳳翔漢中四川營曰延安四川海寧椿樹頭條胡同
曰績溪龍谿二條胡同曰永看邠陽仇家街曰雷陽
驪馬市曰中州三晉直隸鐵門內曰宣城順城門大
街曰關中才盛翼城韓城歛縣直隸建昌咸長撫臨
永濟香爐營頭條曰江山上斜街曰山右將軍頭條
曰雲南山左土地廟斜街曰全浙彰義門大街曰洪

宸垣識畧

卷十

四十六

銅河東貴州江甘儀爛麪胡同曰常昭南半截胡同
曰元寧北半截朝同曰吳興繩匠胡同曰中州休寧
延旺廟街曰雲南保安寺街曰豐城河間奉新羊肉
胡同曰奉新賈家胡同曰江震潘家河沿曰齊魯橫
街曰全浙淮安南下窪子曰鄞縣粉坊街曰延平廉
州天津下窪子曰福州福清東磚兒胡同曰浦城牛
血胡同曰巴陵鷄兒胡同曰平介補外郎營曰潮州

涇陽

宸垣識畧卷十